

Surf 60m/e



Digitized by the Internet Archive
in 2018 with funding from
Wellcome Library

<https://archive.org/details/b30409639>

DISSERTATIO MEDICA
INAUGURALIS,
DE
VARIOLARUM INSITIONE,

QUAM,
FAVENTE SUMMO NUMINE,

Ex Auctoritate MAGNIFICI RECTORIS,
NICOLAI HOOGVLIET,

S. S. THEOLOG. DOCT. EJUSDEMQUE FACULTATIS
IN ACADEMIA LUGDUNO BATAVA PROFESSO-
RIS ORDINARIJ, VERBI DIVINI IN
EADEM URBE MINISTRI,

NEC NON

*Amplissimi SENATUS ACADEMICI Consensu, &
Nobilissimæ FACULTATIS MEDICÆ Decreto,*
PRO GRADU DOCTORATUS,

Summisque in MEDICINA Honoribus ac Privilegiis,
rite ac legitime consequendis,

Eruditorum Examini subjicit

GULIELMUS CLELAND,
SCOTO-BRITANNUS.

Ad diem x. Maji, hora undecima L. S.

*Longe mihi potior cura est veritatis, quam
novitatis.*

MORGAGN.

LUGDUNI BATAVORUM,
Apud JACOBUM MURRAY, 1776.



335770

P A T R I O P T I M O,

J U R E V E N E R A N D O,

J A C O B O C L E L A N D,

SCOTIÆ ARMIGERO.

A L E X A N D R O L O N,

MERCATORI SAGACISSIMO APUD ROT-

TERODAMENSES, SORORIS MA-

RITO, AMICO SUO.

N E C N O N

G U L I E L M O C U L L E N, M. D.

PRÆS. ET ELECT. MED. REG. PRIMAR.

ET IN ACAD. EDINB. MEDICIN. PROF.,

VIRO OMNI LAUDE MAJORI.

*Hasce studiorum primitias
sacras esse voluit,*

AUCTOR,

THE UNIVERSITY OF CHICAGO

THE EAST ASIAN LIBRARY

PAOLO CILINDRO

1875-1876

ALEXANDRO FOR

1875-1876

1875-1876

1875-1876

1875-1876

PAOLO CILINDRO

1875-1876

1875-1876

1875-1876

1875-1876

1875-1876

1875-1876



DISSERTATIO MEDICA
INAUGURALIS,
DE
VARIOLARUM INSITIONE

§. I.



ariolæ morbum fistunt, vim cu-
jus pestiferam vix aliquis morta-
lium evadit. Nec homines so-
lum infestat; sed stragem hor-
rendam inter eos excitat, per-
que multos annos in omnibus Europæ regioni-
bus, sicut pestis, prævalere perrexit.

A

§. II.

DISSERTATIO MEDICA

§. II. Sub initio seculi septimi, Variolæ primum in Egypto interioribusque Arabiæ locis ortæ sunt. Progredientes inde, una cum armis Saracenorum, Hispaniam totamque Europam peragrasse, ferunt.

§. III. Constat fere inter omnes Auctores, hancce pestem Græcos Medicos atque Latinos omnino latuisse: idque magis verisimile, quod de ea, apud Scriptores antiquos, ex toto filetur.

§. IV. Si vero novus fit morbus, de ejus origine quæeratur: sed tali quæstioni respondere, hic loci præsertim, meum non est, neque rem curiosam magis, quam utilem, perscrutari necesse erit.

§. V. Quoniam pro certo habemus, morbos fere omnes contagiosos ex causa quadam insalubri, aëris temperiei indita, se in aliqua
re-

regione manifestante , oriri ; vix dubitari potest, quin Variolæ aliique morbi, quorum causæ adhuc sunt incognitæ, suam originem quoque a veneno aliquo endemico trahant.

§. VI. Pestis ex Oriente vel Egypto semper ad nos allata. Febres putridæ remittentes ex humiditate soli, miasmate, humanisque effluviis; Anginæ putridæ interdum ex aëre in fedinis impuro stagnante, unde epidemice ruunt; Febres Malignæ ex cadaveris putridi gangrænosæ dissectione; & Dysenteria ex statu aëris immutato originem suam ducunt.

§. VII. Fatendum vero, quod Morbilli, Variolæ, Lues venerea, Catarrhus contagiosus, ac Tussis convulsiva ex nulla certa tali causa deduci possunt. Sed, quoniam in multis morbis contagiosis causa jamjam fatis est explorata, de ceterorum causis haud incertum foret,

ret, si naturam ipsam accuratius observaremus, quam semper eo simpliciores invenimus, quo magis nobis innotescit.

§. VII. De hac autem re & hodie est, fuitque semper, disputatio multa, neque nostrum est litem componere. Omnibus hisce igitur omisfis, dicere tamen liceat, nos omnes oportere, ut morbum tam atrocem, effectusque tam horrendos per totum terrarum orbem diffundentem, quam maxime possimus, lenem ac mittem reddere tentemus.

§. IX. Providentia divina facultatem hancce nobis concessit, arte Variolas inducendi per Infectionem excogitata; cujus progresfui si nulla obftarent præjudicia, vix aliquid dubii remanet, quin genus humanum, adversus vim tam diræ pestis, magna ex parte, tutum reddi posset.

§. X. Neque hæc temere asferimus: namque

que eorum , qui Variolis nativis afflicti sunt , septimus vel octavus moritur ; sed ex his , quibus variolosum venenum infitione communicatur , vix unus inter quingentos morte abreptus est. Asferitur etiam a quibusdam , se decem millibus , qui omnes convaluerunt , materiam variolosam inferuisse.

§. XI. Quod vero , hanc artem humano generi esse salutiferam , quam maxime ostendit , est , quod gentes ab illa olim averfissimæ , hodie inveterata sua præjudicia abnuere videntur.

§. XII. Quum autem de arte , Variolas per Infitionem movendi , dicere constituimus , illam quam paucissimis verbis absolvemus materiem , quam , ut magis perspicue exsequamur , in tres partes dividendam censuimus. Primum de Historia Infitionis & ejus progressu per Europam disferamus.

HISTORIA.

§. XIII. Praxis hæcce salutifera, Variolas per Infitionem excitandi, jamjam apud Europæ incolæ, per centum circiter annos, invaluit. Arma vero huic, ut omnibus aliis inventis novis atque philosophicis fere accidit, vel timor vel dementia movit. Sed in honorem Magnæ Britanniae fatendum est, incolæ illius Insulæ felicissimæ ac celeberrimæ minus, quam gentes vicinæ, arti huic utilissimæ obstetisse; in istis tamen interim regionibus, pigro tantum gresu progreditur, neque spes ulla viris bonis ac patriam amantibus est, umquam fore universalem, nisi præjudicia, ex Religione ipsa derivata, & Verbi Divini Interpretibus solum compefcenda, removeantur.

§. XIV. Aut fuga temporum, aut incuria, vel etiam invidia, inventoris hujus artis, Vario-

las

las Infitione excitandi, nomen atque famam nobis eripuit. Neque enim ab Asiaticis ipsis, apud quos in usum primum ducta est, aliquid de ætate, de loco, vel regione, ubi primum inventa fuit, audivimus; unde nata suspicio, Casum fortuitum, non Consilium, artem hanc, in humani generis salutem, invenisse.

§. XV. Proditum autem memoriæ est, artem, movendi Variolas ex consulto, e Circassia vel Georgia esse allatam. Regiones istæ non minus pulchritudine mulierum, quam turpi eas vendendi consuetudine, inprimis celebres sunt. Cumque res ita sese habeat; verisimillimum est, Infitionem, causa pulchritudinis fæminarum tuendæ, ibi fuisse excogitatam. Probabilius hoc est, quod forsan observaverint regionum harum incolæ, raro huncce morbum secunda vice invadere, illisque, qui eum admodum ju-
ve-

DISSERTATIO MEDICA

venes patiuntur, minus esse periculofum, tam quoad pulchritudinem quam quoad vitam.

§. XVI. Sed PYLARINUS affirmat, hanc artem ex Thesfalia in Byzantium, Smyrnam, & ad regiones hisce finitimas translata; Armeniis aliisque eorundem locorum Christianis nationibus cognitam; fed, longum per tempus, apud plebem tantum fuisse excultam. Tractu vero temporis famam majorem sibi istis in regionibus adepta est, &, feculo nostro ineunte, passim omnibus, tam plebeiis, quam nobilibus, in consuetudine esse cæpit.

§. XVII. Docti quidam forsitan & rerum novarum avidissimi Viri, ex PYLARINI, TIMONIIQUE epistolarum lectura, quæ in Actis Societatis Regiæ Londinensis referuntur, in artem hanc novam, Variolas per Infitionem excitandi, animos suos verterunt. Hoc autem perinde

inde est; interim pro certo habemus, nullos Medicos, aut Chirurgos, ante seculi hujus initium, apud Europæ incolas, hanc artem experiri ausos fuisse.

§. XVIII. Tandem vero Maria Wortley Montague, docta atque ingeniosa Matrona, Byzantii degens cum Consule Britannico, marito suo, hanc praxin accuratius perscrutata, impavida operationi filiolum suum subjecit. Regressa inde in Britanniam, periculum in filia sua faciendo, secum hanc artem adduxit. Morbus hanc minus quam fratrem affecit, quippe quæ per totum ejus decursum more infantum hilariter ludit. Ex eo tempore praxis illa salutifera in Europa indies prævalere & exerceri cœpit. Parvos tamen tantum fecit progressus, nec adhuc dum universalis utilitatis reddi potuit salutaris hæcce encheiresis; quamvis etiam Mulier

B

illa

illa celeberrima, ut eam promoveret, quasdam elegantissimas literas scripserit; donec Georgius Tertius, Britanniae Rex, apud posteros facer, bono publico consulens, experimentum in sex capite damnatis fieri iussit. Eventus votis omnium favit; eodemque sub tempore periculum in quinque egenis pueris, eodem cum successu, fuit factum. Tandem pauci ex Nobilibus hoc exemplum feliciter secuti sunt; ac tandem in Regia Prole, eodem cum eventu, cuique patriam amanti gratisimo, est tentatum.

§. XIX. Cum vero animos mortalium, rerum novarum avidissimos, ut plerumque fit, hujus novitatis fatietas ceperat, praxis iterum relanguescere coepit, plane fuit neglecta, ac in defuetudinem fere abiit. Medici enim, ut materiam vario-
losam infererent, fere numquam accersiti, quam-
quam

quam eventus Infitionis, undique felicissimus, ejus utilitatem luce clarius demonstrasset.

§. XX. In Britannia non solum hæc ars minimus fuit exculta; apud cæteras etiam Europæ Nationes penitus rejecta. Nec multum abfuit, quin tota fuerit oblita. Germani interim nec petierunt, nec averfati sunt. Batavi eam verbis magis, quam factis, probare videbantur. Galli vero, omnes ante alios, quam maxime despectam habuerunt. Gens illa, propiorum factorum gloria tumens, nec alios curans, infra dignitatem suam fore ducebat, si magistrorum, tam rudium, &, se judice, tam imperitorum, vestigia premerent.

§. XXI. In America vero Septentrionali cæteraque India Occidentali Infizio majorem famam magnumque nomen acquisivit. Illarum regionum incolæ, ut pestem, fervis suis tam

lethalem, arcerent, &, quo melius posset, opes suas conservarent, sponte sua novam hanc artem in illis experti sunt, & ex ea multum utilitatis perceperunt. Quod vero ars hæc salutifera, in commodum humani generis, longius latiusque proferperet, fuit res quidem insperata.

§. XXII. SUTTONIUS, vir omni doctrina omnique liberalis scientiæ auxilio destitutus, ante quindecim aut sedecim abhinc annos, modum variolas inferendi ex toto propemodum immutavit. Ille, in hac re saltem sagax, simpliciore operationis methodum, qua utebantur Græci, reduxit. Incisiones & emplastra rejecit; suisque ægris calorem & lectum interdixit; ac, ut aëra purum frigidumque respirarent, fructibusque maturis potionibusque frigidis uterentur, permisit. Praxis hæc omnium votis, mirum in modum, respondit, suo successu

cesfu obstacula removit, ac magis magisque in usum venire cœpit.

§. XXIII. Cum itaque ars jamjam invaluis-
set, viresque eundo aquisivisset, accidit, quod
Catharina, Illustrissima omnium Rusfiarum Im-
peratrix, bonarum artium faulrix esse cupiens,
DIMSDALIO, peritissimo hujus artis cultore, ex
Britannia accersito, intrepida in se ipsa Insitionis
periculum facere quidem voluit. Hoc modo,
nobile exemplum suis præbuit, quo studium
Variolas inferendi in alia loca, longe etiam diver-
sa, celerrime transire incepit.

§. XXIV. Tandem Ludovicus Decimus sextus,
Gallorum Rex, Avi sui fato expergefactus, & ex-
emplum Catharinæ æmulatus, se suosque viro va-
riolofo artificiali operatione infici permisit. Exin-
de spes magna oritur omnibus, quibus generis hu-
mani falus curæ est, hanc artem etiam apud Gallos
fore excultam.

§. XXV. Haftenus de Infitionis Historia ac Progresfu ; nunc de diverfis Variolas inferendi Methodis disferendum.

DE VARIIS VARIOLAS INSE- RENDI METHODIS.

§. XXVI. Experientia , variolas variis modis , eodem fere cum fuccesfu , inferi poffe , docet. Apud Byzantinos , a quibus ars ad nos fuit allata , Mulieres morbum hunc communicare , pungendo cutem acu , & in puncturam aliquid puris , pustulis maturis extracti , inferendo , narrantur.

§. XXVII. PYLARINUS affirmat , fe Græcam vidiffe artificem , quæ fronti , mento , maxillis , metacarpo , & metatarfo obliquas puncturas infligebat , ac in fingulas pauxillum puris , adolescentulo variolis nativis laboranti detracti , ac in finu fervæ calefacti , infundebat.

§. XXVIII.

§. XXVIII. TIMONIUS etiam memoriæ prodidit, operatores cum sanguine, ex variis vulnusculis acu factis, materiam venenosam miscere, & postea emplastris fasciisque vulnera secundum artem obligare, nucum putaminibus, concava parte vulneri respondentibus, illa tegere, ac ægrotis, ne unguibus partes vulneratas lacerent, aut humiditati exponant, mandare.

§. XXIX. Hæc PYLARINUS & TIMONIUS de viis variolas movendi diversis, apud Græcos solummodo, memorant. Ille vero, ut partes carnosiores pungantur, quo minus doloris minusque periculi inflammationis timendum sit; Hic, ut Brachiorum muscoli pungantur, sedulo, & quasi ex sua opinione, monent. Conveniunt vero uterque in eo, quod magna circa ægrotantis alimentum cura haberi debeat; atque, e more Græcorum, ut, quibus

Va-

Variolæ induci debent, hi ab omni vino, & carne, aut jusculis e carne factis, per aliquot dies abstineant, tam post quam ante operationem, diligenter atque uno ore suadent: addunt præterea infitionem nocivam fore iis, qui hanc rationem non sequuntur, quippe quibus novæ pustulæ aliaque periculosisima symptomata supervenirent. Accuratio tanta, in narratione tam momentosæ circumstantiæ, laudibus concelebrari meretur, nec etiam illa narratio a vero longe aberrat, quod ex observationibus celeberrimorum hujus artis in universa Europa Cultorum probari posset.

§. XXX. Dicunt, rationem Variolas movendi, qua utuntur Chineses, & quæ jam a longo tempore in usu fuit, ab Infitione, qualis nostris in regionibus excolitur, omnino esse dissimilem. Illi enim, ut Variolas communicent,

tu-

turundam ex gossypio, pure Varioloso imbutam, cum Moscho in nares indere consueverunt. Dr. MEADUS, ut periculum hujusce Methodi in puella, una ex sex illis capite damnatis, quibus, ut antea memoravi, variolæ fuerunt insitæ, faceret, impetravit. Hæc puella, cæteris junior, & tantummodo circum circa octodecim annos nata, cum aliis ægrotavit, ac, æque ac hi, ad valetudinem rediit, sed vehementioribus symptomatibus morbum stipatum invenit. Ab inserta etenim turunda, ad pustularum eruptionem usque, eam afflixerunt gravis capitis dolor & febris continua. Fortasse minime mirandum videri debet, rem ita sese habuisse, si consideremus, venenum variolosum quam proxime cerebro, unde oritur omnis motus sensusque, admotum fuisse.

§. XXXI. Memoratur, apud Cambro-Bri-

tannos Variolas arte excitandi consuetudinem, inter plebeios solos tantummodo tamen, usitatam, ab antiquis jam usque temporibus exstitisse, quæ saltem a septuaginta tres abhinc annis repeti posset; potius autem hæc artificialis infectio variolarum Infriçtio quam Infitio dicenda est. Illi enim pustulas quasdam aridas sibi comparant, quibus, in brachia aut crura contritis, infectionem quotidie, optimo cum successu, communicari, affirmant.

§. XXXII. Caledonii ex Scotiæ montibus fere eadem utuntur ratione : namque filum hi, viro varioloso tinctum, circa patientis cervicem atque carpum ligant, eoque dictas partes attendant, unde morbus cum multis communicatur.

§. XXXIII. Operatio, apud Tripolitanos aliosque Africæ incolas, hoc modo institui solebat. Cui nempe variolæ inducendæ, is in

cu-

cubiculum morbo laborantis adducitur, eique, tribus vel quatuor pustulis, puris maturi plenis, e cæteris selectis atque apertis, cutis, quæ est inter indicem digitum & pollicem, pure Variolofo inungitur. Alii vero, morbum ab illis impertiri, cutem inter digitos perforando acu, filum pure tinctum post se trahente, dicunt. Suspicati sunt nonnulli Medici, partem aliquam fili in facto vulnere relinqui: at hisce temporibus satis compertum est, trajectionem fili solam, ad variolas movendas, sufficere. Nostrum interim est, hic loci annotare, Africanos, multorum respectu, ægrotos suos pessime & absque omni judicio tractare. Eos enim non solum calenti cubiculo inclusos, stragulisque oppresos tenent, sed & carnum jacula, e carne etiam caprina parata, fumere jubent.

§. XXXIV. Methodus Variolas movendi,

ab hac non longe diversa apud Bengalæ incol-
 las in usu est. Hi enim easdem fere partes dua-
 bus aciculis conjunctis leniter pungunt, læsas-
 que materia variolosa inungunt. Interdum e-
 tiam, morbum ut infantibus communicent, pus-
 cum saccharo syrupoque miscent, atque his lin-
 gendum præbent. Modus, morbum inunctio-
 ne inducendi, si æque certa foret, omnibus
 aliis, me judice, longe præcelleret. Metho-
 dus autem, materiam variolosam deglutiendi
 omnino mihi displicet; crederem enim, hanc
 omnino aptam ad nauseam, vomitumque exci-
 tandum, unde successus valde incertus neces-
 sario redditur.

§. XXXV. Helvetii & Galli frequenter
 hac methodo, utuntur: emplastrum epispas-
 ticum vel vesicatorium brachio applicant, fac-
 ram vesiculam incidunt, ac, detracta cuti-
 cula

cula , materia variolosa plagam inungunt.

§. XXXVI. Apud omnes fere alios Europæ populos , qui Infitionem concelebrant , maturam pustulam tantum chirurgica lanceola aperiunt , quacum humore varioloso tincta , cui morbus inducendus est , brachium ejus incidunt , ac vulnus , nulla adhibita ligatura , solummodo tegunt. Alii vero filum , veneno varioloso madidum , vulneri , in medio , inter humerum & cubitum , brachio inciso , applicant , ac vulnus , per octo aut decem dies , emplastro quodam obligatum tenent. Denique alii vulnus longum & profundum brachio vel cruri infligunt , quæ methodus Theoreticæ Hypothesi nititur ; quod nempe humor , ex largo vulnere necessario fluens , eruptionem Variolarum leniorem redderet. Sed fictioni huic vix aliquid fidei est habendum ; namque incisiones

hujuscemodi, fere infanabiles, semper in ulcera fæda ac molesta mutantur. Hæcce de diversis Variolas inferendi Methodis sufficiant: tandem igitur, ut quædam de Methodo, hodie usitatissima, disferamus, progredimur.

DE METHODO VARIOLAS INSERENDI USITATISSIMA.

§. XXXVII. Postquam praxis, Variolas concitandi per Infitionem, in Britanniam migravit, magnopere corrupta & mutata est; quæ enim sua natura simplex neque difficilis fuit, temeritate vel ignorantia eam exercentium, & difficilis & horrenda est reddita. Multi quidem, in illis regionibus, Viri, laudatæ omnino famæ homines, vitæ & solatio mortalium consulentes, eam, quam maxime potuerint, leviolem, certiolem, ac tutiolem reddere conati sunt. Regimen inflammationi adversum instituerunt, &

me.

medicamenta, ex Mercurio & Antimonio composita, ac purgantia fortiora adhibuerunt.

§. XXXVIII. SUTTONIUS, suum omnino ducem SYDENHAMIIUM sequendo, quoad omnia, quæ ad regimen attinent, & morem Variolas inferendi, apud Græcos usitatum, reducendo, systema sibi proprium statuit, aliquo quidem respectu nonnihil empiricum, sed vere absolutum: vera enim fateri oportet; & tunc negari non poterit, eum plus ad artem perficiendam & propagandam, quam omnes alios Infiores, contulisse.

§. XXXIX. Si morbus fit sporadicus, occasio providendi multa subministratur, quibus non tam facile prospicere possumus, si fit epidemicus. Primo enim, ubi Variolæ non univ^{er}se grasfantur, in nostra est potestate, delectum ætatis, habitus corporis, & anni tem^{pe}sta

pestatis habere; &, omnia hæc nisi votis responderint, operationem differre conceditur.

§. XL. Præ cæteris anni tempestatibus, ver certe magnopere Infitioni convenit; quippe quod infantibus atque adolescentibus vigorem novum adducit. Eo etiam tempore, frigore hyemali humido jamjam præterito, & ardore Syrii pestiferi nondum defæviente, cutis perspiratio, per frigus diu refrænata, libera rursus reddita est, neque etiam per insolitum æstum biliosi humores in corpore aucti, neque corporis fluida in putrefactionem prona sunt. Accedit porro, quod hac anni tempestate solidæ partes minus, quam hyemali, compactæ sunt, eoque circulatio per capillaria vasa liberius peragitur. Hæc omnia si spectemus, videtur certe Ver, si tranquillum fuerit, magis Variolarum Infitioni convenire, & C. H. universum systema.

tema isto tempore melius ad eam compositum esse.

§. XLI. Hoc tempore ipse naturæ aspectus salutem affert, ac pabulum nervosum augmentat, eodem modo, quo jucundi labores, & quodcunque animum delectat. Poëtæ omnesque omnium regionum Philosophi Ver, ut vitæ renovamen ac delectamentum, summis laudibus concelebrant. Ver & præcipue Mensis Aprilis, in nostris præsertim regionibus, cæteris itaque aliis anni temporibus, cæteris mensibus anteponatur, si, quo Variolæ inferantur, tempore nulli morbi maligni epidemici grascentur.

§. XLII. Utrumque Aequinoctium Infitio-
ni inimicum est: Diarrhœæ, Dysenteriae, An-
ginæ, hisce temporibus frequenter invadunt.
His præterea quoque temporibus febres inter-

D

mit-

mittentes frèquentes esse solent, quæ, ut observationes docent, quo minus contagium variolosum in corpus agat, efficere valent. Corpora enim, febribus intermittentibus obnoxia, vim omnem variolosi veneni eludere dicuntur. Hoc experientia constare videtur, & exempla memorantur, unde apparet, contagionem nullam secutam fuisse, nisi Peruviano Cortice copiose prius exhibito, febris intermittens penitus esset remota.

§. XLIII. Ætas, quæ optimum Infectionis promittit successum, ea omnino esse videtur, quæ inter tertium & quintum circiter annum incidit. Multi quidem contendunt, etiam in teneriori ætate, tutius, facilius, & majore cum successu, variolas communicari: sed experientia, theoreticis hisce speculationibus superior, præmaturam hanc inoculandi methodum plane

rejecit. Videmus quippe, pueros, qui Infitionis tempore occumbunt, Convulsionibus plerumque vitam terminare: quo autem juniores, eo & irritabilius nervosum systema deprehenditur; dentesque etiam eo tempore prorumpere solent. Lactanti quoque puello incongruum foret pus variolosum inferere; tunc enim temporis Angina sæpius nariumque oppletione vexato suctio molesta admodum redderetur. Præterea, materni pectoris calor, huic enim continuo admoveatur infans, confluxum majorem pustularum ad faciem causatur, majusque inde periculum infantis vitæ imminet, quippe quod, cæteris paribus, semper majus, quo major se pustularum copia in facie manifestat. Addi etiam hisce oportet, infantes minus perspirare, quam pueri, qui in continua versantur exercitatione & motu, quibus, ut notum est, perspiratio

promovetur; torpens enim circulatio, minime exercitio adjuta, in infantibus perspirationem non æquè vigere, facit, unde capita infantum ulcerosa, auresque pure manantes derivandæ; morbi omnino, qui, a natura procul dubio excitati ad perspirationis defectum supplendum, facile sanantur, ubi crura justum robur & ad ingressum aptitudinem adepti sunt; morbi, qui & in iis infantibus, quibus humores nimium abundant, necessarii, dum, etiam arte excitati, corporis vigorem conservant. Neque tamen differre oportet Infectionem, usque dum fibræ rigidiores evaserunt, solidioribusque jam utuntur pueri alimentis, quæ variolas maligniores reddere possunt.

§. XLIV. Vigor habitusque corporeus eorum, quibus pus variolosum inferere volumus, ad attentionem nostram sibi proxime vindicant, quo accuratius, quale regimen, qualis præparatio

con-

conveniat, statuere possumus. Sunt, inter quos SUTTONIUS est, qui, unum præparationis modum omnibus convenire, putant; quique igitur cibum eundem, eadem medicamenta, juveni valido senique debili dari jubent; lactantibus, chloroticis, gravidis, & agricolis robustissimis, absque ullo discrimine, eandem statuunt præparationem. A ratione tam temeraria consuetudo & experientia ex æquo abhorrent. Hæc qui faciunt, adversarios arinis, quibus utilitatem infitionis oppugnent, instruunt, & multum noxæ multumque periculi ægrotantibus inferre possunt.

§. XLV. Artifices nihilominus hujuscemodi temerarios multa, quæ medicum prudentiorem magisque cautum, per longum decursum annorum, latuissent, casu reperisse, fatendum est. Quisnam etenim, medica scientia vel modice imbutus,

febri concitatisima laborantes lecto depellere ,
sub dio versari cogere , cathartica drastica , quibus
numerus pustularum imminueretur , dare , non
tantum ab omni rite curandi via , sed ab ipsa sa-
na ratione , quam longissime deflectere , pronun-
ciasset ? Hodie tamen hominum audacissimo-
rum , qui paradoxa hujuscemodi , summa cum
utilitate , perpetuoque successu , in medium
protulerunt , vestigiis insistere medicum peri-
tissimum minime dedecet.

Permuli quidem indoctissimi nostra ætate
Variolas inferuerunt ; at ingenui literarum scien-
tiarumque Fautores non idcirco præcepta utilia ,
quod ab origine proficiscuntur ignobili , con-
temnunt ; verum e contra ea , quæ ab Auctori-
bus doctrina omni destitutis reperta sunt , fideli
& assidua observatione in melius mutare , eo-
rum dubia explicare , & , quæ videri pos-
sent

fent periculofiora , tutiora efficere , conantur.

§. XLVI. Ubi autem tempeftas anni , ætas , & habitus corporeus ægrotantis , ad Infirmitatem conveniunt , ratio pure Variolofo infirmitati , quam paucis expositurus fum , fere femper feliciffime cefcit.

Patienti , per hebdomadæ fpatium , carnes , jufcula , butyrum , cafeus , aromata , vinofi liquores , omnia fpirituofa & fermentata fortiora , omnino interdiciantur. Diæta e lacte , fructibus , oleribus , confitet. Aqua pura , vel talis , in qua panis toftus fuit madefactus , vel cui fuccus Limonum admiftus , vel quæ alio quovis modo acidula reddita eft , vel etiam cerevifia tenuior , potui detur. Quin etiam infirmitate , ut exercitatione modica , fub dio , quotidie utatur , fuadendum eft ; illis diebus folis exceptis , quibus cathartica fumuntur.

§. XLVII.

§. XLVII. Ter singulis hebdomadibus, sub hora fomni, propinandum est medicamentum, quod corpus ad Infitionem præparat; E. G. pulvis, e Mercurio dulci & Tartaro emetico vel Sulphure Antimoniali præcipitato, compositus: Alvusque, mane sequente, Sale Carthartico Glauberi purganda. Infantibus, qui sales Glauberi solutos respuunt, quantitas medicamenti supra memorati parvula, cum tanto pulveris Jalapii, quantum sufficiet, & pauxillo Nitri, omnino conveniet. Medicamenta hæc, quum primum sumuntur, vomitionem movere, & per eam non parum materiæ biliosæ foras expellere, consueverunt. Alvum, ad minimum, sexies solvas, & dosin, cum iteratur, viribus & conditioni ægrotantis accommodes, necesse est.

§. XLVIII. Tali ratione debite præparato
ægro,

ægro, ad materiem variolosam inferendam, tutissima ac facillima methodus est, qua lanceola vel acu leve infligatur vulnusculum infra muscolum Deltoidem, eo in loco, ubi fonticuli plerumque instituuntur, cui porro applicetur filum vel gossypium pure Varioloso imbutum. Antequam autem hoc apponatur, e vulnusculo sanguis erumpens abluatur, quod ubi oblitum fuerit, novimus, irritam fuisse Insectionem. Aluta tegatur vulnus dein, & ligamine firmetur; postridie, loco inspecto, non e re fuerit, novam applicare materiem, quo certius morbus inducatur: sæpe absque noxa hoc factum vidi.

§. XLIX. Postquam materiæ Variolosæ applicatio rite fuerit instituta, ipsius puncturæ habitus modum ostendet, quo tractari debent ægri, donec febris apparuerit. Si bis de die

alvum deponat ; si die tertio pulicis morsum æmuletur punctura ; si quinto sextove pruritus excitet, & vesiculæ instar parvæ, inflata sit ; si octavo denique dolores partem vulneratam cubitumque invadant, & circulus roseus, puncturam cingens, appareat ; ac tandem, si pustulæ exiguæ vesiculam circumdent ; spes affulget maxima, rem feliciter peractam iri.

§. L. Medicamentis vero locus non datur, priusquam symptomata, febris eruptionem comitanti propria, appareant ; quo tempore pulvere supra memorato utendum. Postero deinde fumat æger catharticum, sæpius repetendum ; si symptomata vehementer sæviant, remedium sine Mercurio præparetur, tunc enim aëri frigido liberius ægrum exponere licet, cui agendi modo recentiorum felicior praxis magna ex parte debetur. Minime autem Tartarus

eme-

emeticus omittatur, ut pote qui virtutem maxime febrifugam habet. Ubi interim horror, horripilatio, capitis dolor, aliaque symptomata febrilia, ingruunt, æger motum magis quidem averfabitur, decubitumque in lecto desiderabit; sed nequaquam hoc finat Medicus: absolute enim necessarium est, ut in aperto liberoque deambulat aëre, aut saltem ita ponatur, ut undique puro continuoque renovato aëre circumdetur, qui, brevi admodum tempore, ita reficiet ægrum, ut ambulare poterit, & symptomatum levamen obtinuerit. Quamprimum iterum vero illum cubiculum tenet, symptomatibus, ut antea, febrilibus tentabitur. Optimum ei potum suppeditat aqua fontana frigida; &, quo frigidior aëris in ejus cubiculo, nocturno tempore, sit temperies, eo certior morbi eventus.

§. LI. Brevi interjecto tempore, erumpunt

pustulæ, ac circulus, incisionem ambiens, pallescit, febris vehementia decrescit, & anxietas ægri ipsiusque Inoculatoris cesfat. Prudens tamen Medicus non omnem deponet curam & adtentionem, sed idem, pro aliquo tempore, regimen mandabit.

§. LII. Atque hic vulgaris est Inoculationis decursus. In multis tamen levior obtinet; quum nonnulli tam parum afficiantur, ut difficile determines, an Variolarum Infitio ullum habuerit effectum, nec ne? & an non inflammatio circa incisuram omnibus symptomatibus causam dederit?

§. LIII. Hæc Infitionis prospere inchoatæ historia; & præcepta, supra data, delectum tempestatis, ætatum, & temperamentorum, ante omnia alia, rite habitum fuisse, significant.

§. LIV. Tempus anni, corporeum habitum

tum inficiendorum, & ætatem eligendi copia nobis non semper datur. Omnia enim hujusmodi, morbo naturali grassante, Medicos prudentissimos non raro negligere cogunt vicina funera, metusque mortis exinde oriundus. Rebus ita se habentibus, ne prius casu, quam arte, inficiantur, quam maxime cavendum est. Ii, quibus pus variolosum inferere statuimus, ab aëre contagioso quamprimum removendi, spatiumque præparationis intra tres hebdomadas producendum; ut, si forte morbo nativo infecti fuerint, signa contagionis acceptæ prius, quam ad Infitionem decurratur, certa sese prodant, & tum artifex, tum ars ipsa salutifera, adversus convicia illiberalia, tuti sint.

§. LV. Quod si quis infantem, ubere adhuc utentem, inoculare vellet, imprimis cavere

debet, ut magnam, quæ ad acorem in primis viis datur, proclivitatem corrigat; quem in finem præscribere convenit nonnihil Magnesiae calcinatæ, vel Mannæ parum, ut occasio exigat: ad hæc etiam ad ipsius nutricis diætam, &c. debite adtendi debet. Convulsiones, periculosisimum in Inoculatione infantum symptoma, præcaventur appositis hirudinibus, si plethora adsit; fervando alvum apertam; æërique frigidiusculo infantem exponendo, quod ultimum frequenter suffecisse, constat, ideoque, præ cæteris, inprimis tentandum.

§. LVI. Mulieribus delicatioribus, quibus systema nervosum irritabilius, laxantia solum exhibenda, quibus omnibus Cremor Tartari, Manna, Tartarusque solubilis palmam præripiunt. Omnibus quoque, irritabilitate nimia laborantibus, Opium, Tartaro emetico admistum,

&

& hora vespertina exhibitum , multoties profuisse omnino affirmatur. Convenit etiam debilioribus Cortex Peruvianus, cujus ope saluberrima Inoculatio redditur facilior, ac majores erumpunt pustulae, quae pure praestantissimo intumescunt.

§. LVII. Forsitan non tam leniter tractandae puellae chloroticae: medicamentis vero fortioribus, ut Antimonium, & Mercurius, utendum, suadeo. Hae enim ad pustulas crystallini generis praedispositae, quae dicta praeparatione averti possunt. Earum etiam haud raro debilis temperies in meliorem mutata, ubi Variolis, per Infectionem communicatis, laboraverant.

§. LVIII. Sunt, qui existimant, tanta gaudere virtute Viri Variolosi Infectionem, ut praeparantia quidem omnino nihili habeant, imo, ceu inutilia, rejiciant, &, remedia, supra me-

mo-

morata, tantum infectionis & eruptionis tempore exhibenda, putent. Urgente autem unde quaque contagio, prudentis est Medici, eum, qui expectat morbum, præparare: ita enim videre licet, an æger naturali via fuerit infectus; ita etiam omnem morbosam prædispositionem præcavere valemus.

§. LIX. Miris equidem pollent effectibus, in hoc Variolarum studio, cathartica: actionem enim contagii accelerant, eorumque usu minor fit pustularum numerus, quo nihil optabilius; numeri etenim rationem sequitur periculum. Verum enimvero rationi, quam experientiæ, non minus consentaneum remedium hocce novum videtur: nam, quis est, qui negat, cutem inter & intestina consensum quemdam existere, & fluida, intestina versus stimolata, minore cum impetu exteriora petitura. Quoniam igitur abs-

que

que periculo , & etiam , ni totus fallar , cum utilitate , præparatoria dantur , horum neglectus Medico vitio verteretur.

§. LX. Minime apud Medicos conventum est , an quidem a Materiae Variolosæ delectu operationis succesus pendeat. Alii , tam ex insitis , quam naturalibus pustulis variolosis , absque ullo discrimine , Materiem Variolosam petunt ; alii ex naturalibus solis ; & vice versa. Hi ex crudis , illi iterum ex maturioribus illam defumunt. Juvenis interim non est , tantas derimere lites. Narrat hac de re Scriptor celeberrimus , se casum novisse , ubi decem , sexu & ætate differentibus , Variolæ fuerunt insitæ veneno , pustulis confluentibus , imo postea lethallibus , extracto , & omnia tamen ad votum cessisse. Exinde mihi , veritatem investiganti , apparet , a corporis statu potius , quam puris genere ,

nere, morbi violentiam originem ducere. Praxi vero sanæ absint hujuscemodi experimenta: materiam optimam quærendam, suadet Cognatorum anxietas, suadet Medici fama.

§. LXI. Dicunt, nec rationi absolum crederem, quod, quo fluidius pus est, eo etiam efficacius sit, ad excitandas Variolas: tale enim faciliorem, æque ac celeriore, transitum sibi in sanguinem, in vasa tenerrima, parat, Multis autem & variis sæpe circumstantiis huic methodo obstantibus, ad alteram confugiamus, necesse est: ac tali in casu lanceolæ apex, sæpe pustulæ immerfus, inter singulas vero immersiones iterum siccatus, nec non gossypii filum, pure imbutum, vix, ac ne vix quidem, spes nostras fefellerunt. Priusquam autem sub cuticula inferatur talis lanceola infecta, aquæ ferventis vapore humectari debet,

ut virus eliciatur, ac aliquam acquirat fluiditatem; hæc quoad priorem methodum: alterius de usu antea quædam memoravi.

§. LXII. Instituta Variolarum insitione, si inflammationem leviozem excitat contagium, si lento progreditur gradu, si eruptionis symptomata, per aliquot dies, dubia sunt, morbum feveriozem summo jure expectamus: tunc igitur temporis remediis, jam memoratis, pulveribus nempe & catharticis, ut postulat res & occasio, summopere nitendum. Vulnuscule non adhuc inflammato, rarissime corripit febris, si vero hoc accidat, morbum violentiozem instare, & Medicamenta necessaria esse, plane indicat.

§. LXIII. Ut variant omnes ferme morbi, ita & Variolæ, & symptomatum morbi variolosi differentia ad curationem semitas tam contrarias monstrant, ut, indicationes quasdam

proferre generales difficile invenio. Singulariter certe, ad variolas leniendas, levia antiseptica, aër ficcus imo frigidus, & acida præfertim vegetabilia conveniunt. His neglectis, nihil Medici auxilium, nihil remediorum usus valere possunt; ipsa vero morte, vel ad eam trahente affectione diuturna, ægri fatum terminatur. Vicens autem morbus, nisi gradu nullo modo discrepat a naturali, cujus medendi methodus a proposita aliena videtur, hic Medici omnino prudentiæ & sagacitati relinquendus. Generalem enim Methodum omnibus casibus aptam præscribere, impossibile est.

LXIV. Hæc igitur sunt, quæ de Variolarum Infectione dicenda habui. Fateor multa, imo plurima superesse, quæ pro laurea Medica disputanti, nec dissertationis limites, nec ingenii vires, quas sentio, quam sint in me
exi-

exiguæ, exponere permittunt. Juveniles hosce conatus, quas, non scribendi furor, sed sancta Academiae Lugduno-Batavæ lex examini publico subjicit, L. B. ut æqui bonique consulat, enixe rogo.

F I N I S.



THE-

THESES.

I.

Nimia perspiratio corpus debilitat.

II.

Mentis exercitationes suo excessu longe magis sanitatem infirmant, quam corporis.

III.

In febris doses emeticorum nauseantes plus præstant, quam evacuentes.

IV.

Virtus opii stimulans ac sedativa a varia ejus dosi pendet.

V.

Nulla in nobis pars est, cui, certo gradu, non insit vis vitalis.

VI.

Nulli utique affectus in corpore oriuntur, qui ab ideis originem non ducunt.

VII.

Optimum sanitatis indicium est grata vitæ sensatio, per universum corpus diffusa.

